

საჯარო სამართლის იურიდიული პირი – საჯარო რეესტრის ეროვნული სააგენტო

სატენდერო დოკუმენტაცია

ინტერნეტ ქსელის მომსახურების შესყიდვა
(ალტერნატიული შესყიდვა განსხვავებული მიმწოდებლისგან)

გამარტივებული ელექტრონული ტენდერი

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ კანონის, სახელმწიფო შესყიდვების სააგენტოს თავმჯდომარის 2006 წლის 3 იანვრის №1 ბრძანებით დამტკიცებული „სახელმწიფო შესყიდვების განხორციელების წესის შესახებ დებულების“ და სახელმწიფო შესყიდვების სააგენტოს თავმჯდომარის 2010 წლის 22 ოქტომბრის №9 ბრძანებით დამტკიცებული „სახელმწიფო შესყიდვის ელექტრონული საშუალებით განხორციელების შესახებ დროებითი წესის“ შესაბამისად.

ქ. თბილისი
იანვარი 2011 წელი

სატენდერო დოკუმენტაცია

სარჩევი

1. A ინსტრუქტაჟი გამარტივებულ ელექტრონულ ტენდერში მონაწილეობის მისაღებად ----	3-5
2. B საკვალიფიკაციო მოთხოვნები -----	5
3. C ტექნიკური დავალება -----	6
4. D პრეტენდენტის ტექნიკური დოკუმენტაცია -----	6-7
დანართი №1 სახელმწიფო შესყიდვის შესახებ ხელშეკრულების პროექტი -----	8-12
დანართი №2 - აფიდავიტი (საილუსტრაციო ფორმა) -----	13

A ინსტრუქტაჟი გამარტივებულ ელექტრონულ ტენდერში მონაწილეობის მისაღებად

„სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „დ“ ქვეპუნქტისა და 2006 წლის 3 იანვრის №1 ბრძანებით დამტკიცებული „სახელმწიფო შესყიდვების განხორციელების წესის შესახებ დებულების“ მე-4¹ მუხლის შესაბამისად, სს „სილქნეტს“ არ აქვს უფლება მონაწილეობა მიიღოს წინამდებარე გამარტივებულ ელექტრონულ ტენდერში

გამარტივებული ელექტრონული შესყიდვა, როგორც თქვენთვის ცნობილია, ტარდება სახელმწიფო შესყიდვების ერთიანი ელექტრონული სისტემის (შემდგომში – სისტემა) მეშვეობით.

გამარტივებული ელექტრონული ტენდერის გამოცხადებისთანავე, თქვენ გეძლევათ საშუალება გაეცნოთ სატენდერო განცხადებას და სატენდერო დოკუმენტაციას. სატენდერო წინადადების მიღება იწყება წინადადების მიღების კადის დასრულებამდე 2 დღით ადრე.

სატენდერო წინადადების წარდგენისათვის: პირველ რიგში, პრეტენდენტი უნდა დარეგისტრირდეს სისტემაში. შემდეგ, იგი ვალდებულია გაეცნოს აფიდავიტს და დაეთანხმოს მას (გაცნობას და თანხმობას ადასტურებს სისტემის მეშვეობით).

ამის შემდეგ, იგი ვალდებულია ჯერ წარმოადგინოს სატენდერო წინადადების უზრუნველყოფის გარანტია, ხოლო შემდეგ გადაიხადოს ტენდერში მონაწილეობის საფასური. აღნიშნული მოქმედებები განხორციელდება ელექტრონულად, სისტემის მეშვეობით. როგორც სატენდერო წინადადების უზრუნველყოფის გარანტიის, ასევე საფასურის მიმღები არის სახელმწიფო შესყიდვების სააგენტო. თუ სისტემის ავტომატური საშუალებები ტენიკურად არ არის გამართული პრეტენდენტი სატენდერო წინადადების უზრუნველყოფის გარანტიის დედანს და საფასურის გადახდის დამადასტურებელ დოკუმენტს წარუდგენს შემსყიდველ ორგანიზაციას.

სატენდერო წინადადების უზრუნველყოფის გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1 პროცენტის ოდენობით. ტენდერში მონაწილეობის საფასური შეადგენს 50 ლარს.

სატენდერო წინადადების უზრუნველყოფის გარანტია არ ექვემდებარება დაბრუნებას შემდეგ შემთხვევებში:

- ა) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე,
- ბ) თუ პრეტენდენტი შეყვანილია მიმწოდებელთა შავ სიაში შესაბამისი შესყიდვის განხორციელებისას,
- გ) პრეტენდენტმა არ წარმოადგინა ან წარმოადგინა ხარვეზის მქონე სატენდერო დოკუმენტაციით მოთხოვნილი საკვალიფიკაციო მონაცემების დამადასტურებელი დოკუმენტი (დოკუმენტები).

მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

სატენდერო წინადადების წარდგენა გულისხმობს პრეტენდენტის ტექნიკური დოკუმენტაციის ატვირთვას და სატენდერო წინადადების ფასის ელექტრონულად მიეთითებას სისტემაში. პრეტენდენტის ტექნიკურ დოკუმენტაციაში აუცილებლად უნდა შედიოდეს ის დოკუმენტები და იმ ფორმით როგორც არის მოთხოვნილი სატენდერო დოკუმენტაციით პრეტენდენტის ტექნიკური დოკუმენტაციისთვის, ასევე შეიძლება შედიოდეს ნებისმიერი დოკუმენტი რომელსაც პრეტენდენტი ჩათვლის საჭიროდ.

პრეტენდენტი პირველ რიგში ატვირთავს ტექნიკურ დოკუმენტაციას, რაც შესაძლებლობას მისცემს მას ელექტრონულად მიუთითოს ფასი სისტემაში. თუ პრეტენდენტი დღგ-ს გადამხდელია სატენდერო წინადადების ფასი უნდა მიეთითოს სისტემაში დღგ-ს ჩათვლით.

სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით სამ რაუნდად.

ძირითად დროში უფლება გაქვთ ცვალოთ თქვენი ფასი, კლესადობის პრინციპის გათვალისწინებით და შემსყიდველის მიერ განსაზღვრულ ბიჯზე არანაკლები ოდენობით.

დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს მონაწილეობა არ მიიღოს მათში. ძალაში რჩება მის მიერ დამატებითი რაუნდების დაწყებამდე დაფიქსირებული საბოლოო ფასი.

დამატებით რაუნდებში მონაწილეობის მიღების უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში, პრეტენდენტები მათ მიერ ძირითად დროში წარდგენილ ფასებს ცვლიან რიგ-რიგობით. რიგითობა განისაზღვრება ძირითად დროში პრეტენდენტების მიერ წარდგენილი ფასების კლესადობის მიხედვით. პირველ რაუნდში ბოლო შეთავაზებას აკეთებს ძირითად დროში დაფიქსირებული ყველაზე დაბალი ფასის მქონე პრეტენდენტი. ყოველ მომდევნო რაუნდში ფასების წარდგენის რიგითობა განისაზღვრება წინა რაუნდში დაფიქსირებული ფასების მიხედვით, კლესადობის პრინციპით ანუ ყოველ მომდევნო რაუნდში ბოლო შეთავაზებას აკეთებს ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა.

მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადებების ფასების მიხედვით. ამის შემდეგ შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის მიერ წარმოდგენილი ტექნიკური დოკუმენტაცია.

იმ შემთხვევაში თუ პრეტენდენტის ტექნიკური დოკუმენტაცია არ შეესაბამება სატენდერო განცხადებით და სატენდერო დოკუმენტაციით გათვალისწინებულ მოთხოვნებს, შემსყიდველი ორგანიზაცია ასეთ პრეტენდენტს განუსაზღვრავს სამ დღიან ვადას შეუსაბამობის გასწორებისთვის. დაუშვებელია სატენდერო წინადადების ისეთი დაზუსტება რომელიც არსებითად ცვლის მას ან გავლენას ახდენს წინადადების ფასზე. ამ შემთხვევაში ხდება პრეტენდენტის დისკვალიფიკაცია.

თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას წარმოდგენის საკვალიფიკაციო მონაცემების დამადასტურებელი დოკუმენტები. მიმწოდებლის ვალდებულებები საკვალიფიკაციო მოთხოვნების დამადასტურებელი დოკუმენტაციასთან და მათ წარმოდგენასთან დაკავშირებით მითითებულია სატენდერო დოკუმენტაციაში.

პრეტენდენტის მიერ საკვალიფიკაციო მონაცემების დამადასტურებელი დოკუმენტების წარმოდგენილობის ან/და ხარვეზის მქონე მონაცემების წარმოდგენის შემთხვევაში, ხდება მიმწოდებლის დისკვალიფიკაცია. ასეთ შემთხვევაში, შემსყიდველი ორგანიზაციას უფლება აქვს

მიმართოს ყველაზე დაბალი ფასის მქონე მომდევნო პრეტენდენტს, წარმოადგინოს საკვალიფიკაციო მონაცემების დამადასტურებელი დოკუმენტები, თუ მისი ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში ასახულ მოთხოვნებს. თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად მნიშვნელოვნად აღემატება დისკვალიფიცირებული პრეტენდენტის ფასს ან/და ამ შესყიდვის ობიექტის საბაზრო ფასს, სატენდერო კომისიას უფლება აქვს შეწყვიტოს ტენდერი.

იმ შემთხვევაში, თუ ყველაზე დაბალი ფასის მქონე პრეტენდენტი ყველა ზემოთხსენებულ ეტაპს წარმატებით გაივლის. ამ პრეტენდენტის მიერ საკვალიფიკაციო მონაცემების წარმოდგენიდან 5 დღის ვადაში შემსყიდველი ორგანიზაცია მასთან დებს სახელმწიფო შესყიდვის შესახებ ხელშეკრულებას.

B საკვალიფიკაციო მონაცემების დამადასტურებელი დოკუმენტები

„სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „დ“ ქვეპუნქტისა და 2006 წლის 3 იანვრის №1 ბრძანებით დამტკიცებული „სახელმწიფო შესყიდვების განხორციელების წესის შესახებ დებულების“ მე-4¹ მუხლის შესაბამისად, სს „სილქნეტს“ არ აქვს უფლება მონაწილეობა მიიღოს წინამდებარე გამარტივებულ ელექტრონულ ტენდერში

2. საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

2.1. იურიდიული პირისათვის და ინდივიდუალური მეწარმისათვის:

ა) ცნობა შესაბამისად უფლებამოსილი ორგანოდან, რომ არ მიმდინარეობს გადახდისუუნარობის საქმის წარმოება.

ბ) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიიდან.

გ) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიიდან რომ არ ხორციელდება იურიდიული პირის რეორგანიზაცია ან ლიკვიდაცია.

დ) ცნობა შესაბამისად უფლებამოსილი ორგანოდან ბიუჯეტთან ანგარიშსწორების თაობაზე.

ე) ცნობა ბანკიდან ფინანსური მდგომარეობის შესახებ:

ცნობა ბანკიდან სასურველია შეიცავდეს შემდეგ ინფორმაციას:

1. პრეტენდენტის საბანკო ანგარიშზე არსებული ნაშთის შესახებ;
2. ბანკის მიმართ არსებული დავალიანების შესახებ;

თუ პრეტენდენტი არის უცხო ქვეყნის მეწარმე სუბიექტი მან უნდა წარმოადგინოს შესაბამის ქვეყანაში გაცემული, ლეგალიზაციით (თუ ეს ქვეყანა არ არის შეერთებული ჰაავის 1961 წლის კონვენციას) ან აპოსტილით დამოწმებული დოკუმენტი, რომელსაც თან უნდა დაერთოს სათანადო ნოტარიული წესით დამოწმებული ქართული თარგმანი.

2.2. ფიზიკური პირებისათვის

- ა) ნასამართლობის შესახებ ცნობა შესაბამისად უფებამოსილი ორგანოდან, რომელითაც დასტურდება, რომ პირი არ არის ნასამართლესი საქართველოს სისხლის სამართლის კოდექსის შემდეგი თავებით გათვალისწინებული დანაშაულებისთვის: თავი XXVI დანაშაული სამეწარმეო ან სხვა ეკონომიკური საქმიანობის წინააღმდეგ და თავი XXXIX სამოხელეო დანაშაული.
- ბ) პირადობის მოწმობის ან პასპორტის მოწმობის ასლი.

საკვალიფიკაციო მონაცემების დამადასტურებელი დოკუმენტების წარმოდგენა პრეტენდენტის მიერ უნდა მოხდეს შემსყიდველი ორგანიზაციის მოთხოვნით გათვალისწინებულ გონივრულ ვადაში არაუგვიანეს ხუთი დღისა მოთხოვნიდან.

საკვალიფიკაციო მოთხოვნების დამადასტურებელი, ადმინისტრაციული ორგანოებიდან გასაცემი დოკუმენტები გაცემული უნდა იყოს, ტენდერის გამოცხადების (სტატუსი – „ტენდერი გამოცხადებულია“ გამოცხადების) შემდეგ.

C ტექნიკური დავალება

3.1. შესასყიდი ობიექტის დასახელება, აღწერილობა, მოცულობა ვადები,

3.1.1. შესყიდვის ობიექტია ინტერნეტ ქსელის მომსახურება, რომელიც გულისხმობს შემსყიდველი ორგანიზაციის ცენტრალური ოფისის (ქ.თბილისი, წმ. ნიკოლოზის/ნ.ჩხეიძის ქ. №2), ოპტიკურ-ბოჭკოვანი კაბელის მეშვეობით, ინტერნეტ-კავშირით უზრუნველყოფას შემდეგი სიჩქარეებით:

- ა) უცხოურ რესურსებთან – სინქრონული არანაკლებ 7მგ/წმ
- ბ) ქართულ რესურსებთან – სინქრონული არანაკლებ 100მბიტ/წმ

3.1.2 შესყიდვის ობიექტის მიწოდება განხორციელდება 2011 წლის 1 თებერვლიდან 2011 წლის 31 დეკემბრის ჩათვლით არსებული პერიოდის განმავლობაში.

3.1.3 მიმწოდებელი უზრუნველყოფს შემსყიდველ ორგანიზაციას ინტერნეტ-კავშირით და ამ კავშირის უცხოურ რესურსებთან – არანაკლებ სინქრონული 7მგ/წმ-ის და ქართულ რესურსებთან – სინქრონულ არანაკლებ 100მბიტ/წმ-ის სიჩქარეს ყოველდღე, 24 საათის განმავლობაში.

3.2. შესყიდვის ობიექტის ღირებულების გაანგარიშება:

3.2.1. პრეტენდენტმა უნდა წარმოადგინოს შესყიდვის ობიექტის ყოველთვიური ღირებულება (11 თვეზე ჯამური). აღნიშნული ღირებულება უნდა ითვალისწინებდეს ყველა საჭირო ხარჯს და მოქმედი კანონმდებლობით დადგენილ ყველა გადასახადს, მათ შორის დღგ-ს. ნებისმიერი ხარჯი ან გადასახადი, რომელიც არ შევა ამ ღირებულებაში არ ანაზღაურდება შემსყიდველი ორგანიზაციის მიერ.

3.2.2. პრეტენდენტის მიერ წარმოდგენილი სატენდერო წინადადების ფასი (ხელშეკრულების საერთო ფასი) უნდა შეადგენდეს მიწოდების ვადის (11 თვის) განმავლობაში გადასახდელი, შესყიდვის ობიექტის ყოველთვიური ღირებულებების ჯამურ ღირებულებას.

3.3. ანგარიშსწორების საგაღებულო პირობები

3.3.1. დაუშვებელია წინასწარი ანგარიშსწორება.

3.3.2. მიმწოდებელს აუნაზღაურდება ყოველ კალენდარული თვის განმავლობაში ფაქტიურად გაწეული მომსახურება, მომსახურების გაწევის შემდეგ, მხარეთა მიერ სათანადოდ გაფორმებული შესაბამისი მიღება-ჩაბარების აქტის საფუძველზე.

D პრეტენდენტის ტექნიკური დოკუმენტაცია

4.1. პრეტენდენტმა უნდა წარმოადგინოს შესაბამისად უფლებამოსილი პირის მიერ ხელმოწერილი დოკუმენტი, რომლითაც განისაზღვრება სატენდერო წინადადების მოქმედების ვადა, რომელიც არ უნდა იყოს 30 დღეზე ნაკლები, რომლის ათვლაც დაიწყება მის მიერ სატენდერო წინადადების სიტემაში ატვირთვის დღიდან.

4.2. შესაბამისად უფლებამოსილი პირის მიერ ხელმოწერილ ინფორმაცია უკანასკნელი 2 წლის განმავლობაში ანალოგიური მომსახურების მიწოდების შესახებ.

4.3. პრეტენდენტმა უნდა წარმოადგინოს შესყიდვის ობიექტის ყოველთვიური ღირებულება.

4.4. პრეტენდენტმა უნდა წარმოადგინოს სატენდერო დოკუმენტაციით გათვალისწინებული ყველა საკითხის ამსახველი დოკუმენტი და ინფორმაცია.

4.5. შემსყიდველ ორგანიზაციას წარედგინება ელექტრონული გარანტიის დედანი და საფასურის გადახდის დამადასტურებელი დოკუმენტი, ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების დროებითი ტექნიკური გაუმართაობის შემთხვევაში.

4.6. პრეტენდენტმა უნდა წარმოადგინოს შესაბამისად უფლებამოსილი პირის მიერ დამოწმებული ინფორმაცია პრეტენდენტი მეწარმე სუბიექტის სამართლებრივ-ორგანიზაციული ფორმის, სახელწოდების, იურიდიული მისამართის, საბანკო რეკვიზიტების, საიდენტიფიკაციო კოდის შესახებ. ფიზიკური პირის შემთხვევაში პირადობის მოწმობის ასლი.

4.7. სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე, დოკუმენტების ან/და ინფორმაციის უცხოურ ენაზე წარდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი.

4.8. სახელმწიფო შესყიდვების ერთიან ელექტრონულ სისტემაში პრეტენდენტის მიერ ატვირთული, სატენდერო დოკუმენტაციის ტექნიკური დავალების პირობების შესახებ ყველა დოკუმენტი ან/და ინფორმაცია უნდა ხელმოწერილი იყოს მეწარმეთა კანონის მე-9 მუხლით გათვალისწინებული ხელმძღვანელობის მქონე პირების მიერ (თუ ხელს აწერს სხვა პირი წარმოდგენილი უნდა იყოს ამ პირის წარმომადგენლობითი უფლებამოსილების დამადასტურებელი სათანადოდ გაფორმებული დოკუმენტი).

- პრეტენდენტს არ აქვს უფლება წარმოადგინოს ალტერნატიული წინადადება.

სახელმწიფო შესყიდვის შესახებ ხელშეკრულების პროექტი

წინამდებარე ხელშეკრულების პროექტის დებულებები, გარდა სატენდერო დოკუმენტაციის ტექნიკური დავალებით გათვალისწინებული აუცილებელი პირობებისა, არ არის სავალდებულო. ისინი ზუსტდება გამარჯვებული პრეტენდენტის სატენდერო წინადადების საფუძველზე. გამარჯვებულ პრეტენდენტთან მოლაპარაკების შედეგად მიღწეული შეთანხმებით შეიძლება დაზუსტდეს წინამდებარე ხელშეკრულების პროექტის დებულებები ისე, რომ არ ეწინააღმდეგებოდეს სატენდერო წინადადებას და სატენდერო დოკუმენტაციაში ასახულ სავალდებულო პირობებს.

ქობილისი

წ.

იმის გათვალისწინებით რომ, შემსყიდველი ორგანიზაციის მიერ გამოცხადებულ ინტერნეტ ქსელის მომსახურების შესყიდვაზე გამოცხადებულ გამარტივებულ ელექტრონულ ტენდერში გაიმარჯვა ----- სატენდერო წინადადება,

აღნიშნული სატენდერო წინადადების საფუძველზე,

ერთის მხრივ, საჯარო რეესტრის ეროვნული სააგენტო, (შემდგომში – შემსყიდველი ორგანიზაცია), წარმოდგენილი მისი შესყიდვების სამსახურის უფროსის ლაშა მერაბიშვილის სახით და მეორეს მხრივ, „-----“ (შემდგომში - მიმწოდებელი), მისი დირექტორის ----- სახით, ვხელმძღვანელობთ რა სახელმწიფო შესყიდვების შესახებ საქართველოს კანონის და საქართველოში მოქმედი სხვა კანონმდებლობით, ვდებთ წინამდებარე ხელშეკრულებას შემდეგზე:

I. ხელშეკრულების საგანი

1.1. ხელშეკრულების საგანია ინტერნეტ ქსელის მომსახურების (შემდგომში – შესყიდვის ობიექტი) შესყიდვა.

1.2. ინტერნეტ ქსელის მომსახურება გულისხმობს შემსყიდველი ორგანიზაციის ცენტრალური ოფისის (ქ.თბილისი, წმ. ნიკოლოზის/ნ.ჩხეიძის ქ.№2) უზრუნველყოფას, ოპტიკურ-ბოჭკოვანი კაბელის მეშვეობით, ინტერნეტ კავშირით, რომლის სიჩქარე უცხოურ რესურსებთან უნდა იყოს სინქრონული 7 მგ/წმ, ხოლო ქართულ რესურსებთან სინქრონული 100 მბიტ./წმ.

II. შესყიდვის ობიექტის ღირებულება

2.1. ერთ თვეში შესყიდვის ობიექტის ღირებულება შეადგენს ----- ლარს, საქართველოს მოქმედი კანონმდებლობით გათვალისწინებული გადასახადების გათვალისწინებით.

2.2. ხელშეკრულების საერთო ღირებულება შეადგენს -----
----- (-----) ლარს, საქართველოს მოქმედი კანონმდებლობით გათვალისწინებული გადასახადების გათვალისწინებით.

III. შესყიდვის ობიექტის მიწოდების ვადები და ადგილი

3.1. შესყიდვის ობიექტის მიწოდება განხორციელდება 2011 წლის 1 თებერვლიდან 2011 წლის 31 დეკემბრის ჩათვლით არსებული პერიოდის განმავლობაში.

3.2. შესყიდვის ობიექტის ადგილია ქ.თბილისი, წმ.ნიკოლოზის/ნ.ჩხეიძის ქ.№2.

IV. შესყიდვის ობიექტის მიღება-ჩაბარების წესი

შესყიდვის ობიექტი ან მისი ნაწილი ჩაითვლება მიღებულად მიმწოდებლის მიერ შემსყიდველი ორგანიზაციისათვის შესყიდვის ობიექტის ან მისი ნაწილის ფაქტობრივი მიწოდების შემდეგ და შესაბამისი მიღება-ჩაბარების აქტის გაფორმების შემდეგ.

V. ანგარიშსწორების ფორმა, ვადა, ადგილი

5.1. მიმწოდებელთან ანგარიშსწორება განხორციელდება ლარებში, „საჯარო რეესტრის შესახებ“ საქართველოს კანონის საფუძველზე მიღებული შემოსავლებით.

5.2. მიმწოდებელს, შესყიდვის ობიექტის ღირებულება აუნაზღაურდება, ყოველთვიურად, უნაღდო ანგარიშსწორებით, მხარეთა მიერ გაფორმებული შესაბამისი მიღება-ჩაბარების აქტის საფუძველზე, შესაბამისი საგადასახადო ანგარიშ-ფაქტურების წარმოდგენიდან 15 (თხუთმეტი) სამუშაო დღის ვადაში.

5.3. ანაზღაურების ადგილია ქ.თბილისი.

VI. მხარეთა უფლება-მოვალეობანი

6.1. შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.

6.2. შემსყიდველი ორგანიზაცია ვალდებულია:

6.2.1. აუნაზღაუროს მიმწოდებელს შესყიდვის ობიექტის ღირებულება ხელშეკრულებით გათვალისწინებული პირობების შესაბამისად;

6.2.2. წერილობითი ფორმით დაუყოვნებლივ აცნობოს მიმწოდებელს რაიმე ნაკლის აღმოჩენის შესახებ.

6.3. შემსყიდველ ორგანიზაციას უფლება აქვს:

6.3.1. დღე-ღამის ნებისმიერ მონაკვეთში, საკუთარი შეხედულებისამებრ ისარგებლოს მომსახურებით და გამოიყენოს იგი მოქმედი კანონმდებლობით ნებადართული ნებისმიერი მიზნებისათვის.

6.3.2. ხელშეკრულების შესრულების ნებისმიერ ეტაპზე განახორციელოს კონტროლი და ზედამხედველობა მიმწოდებლის მიერ ხელშეკრულებით ნაკისრი ვალდებულებების შესრულებაზე, მათ შორის მომსახურების ხარისხის პერიოდული ინსპექტირება.

6.4. მიმწოდებელი ვალდებულია:

6.4.1. მიაწოდოს შემსყიდველ ორგანიზაციას შესყიდვის ობიექტი ხელშეკრულებით გათვალისწინებული პირობების შესაბამისად.

6.4.2. უზრუნველყოს შემსყიდველი ორგანიზაცია უწყვეტი ინტერნეტ-კავშირით და ამ კავშირის ხელშეკრულებით გათვალისწინებული სიჩქარე ყოველდღე, 24 საათის განმავლობაში.

6.4.3. საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ნაკლის აღმოფხვრა.

6.5. მიმწოდებელს უფლება აქვს მოსთხოვოს შემსყიდველ ორგანიზაციას შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

VII. ხელშეკრულების ინსპექტირების პირობები

ხელშეკრულების ინსპექტირებას განახორციელებს შემსყიდველი ორგანიზაციის ინფორმაციული ტექნოლოგიების სამსახურის უფროსი (უფროსის მოვალეობის შემსრულებელი).

VIII. მხარეთა პასუხისმგებლობა ხელშეკრულების პირობების დარღვევისას

8.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის საქართველოს მოქმედი კანონმდებლობის შესაბამისად.

8.2. თუ ერთი-ერთი მხარე ხელშეკრულებით გათვალისწინებულ ვადაში არ ასრულებს შესყიდვის ობიექტთან დაკავშირებულ ვალდებულებას, მეორე მხარე წერილობითი ფორმით აფრთხილებს მას შეასრულოს ხელშეკრულებით ნაკისრი ვალდებულება.

8.3. ერთ-ერთი მხარის მიერ ვალდებულების კვლავ შეუსრულებლობის შემთხვევაში, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.

8.4. იმ შემთხვევაში, თუ დადგინდა, 30 კალენდარული დღის განმავლობაში შემსყიდველი ორგანიზაციის ცენტრალურ ოფისში, მიმწოდებლის მიზეზით, შეწყდა ინტერნეტ კავშირი 8(რვა) საათზე მეტი ხანგრძლივობით, შემსყიდველი ორგანიზაციას უფლება აქვს მოსთხოვოს, ხოლო მიმწოდებელი ვალდებულია გადაიხადოს პირგასამტეხლო შესყიდვის ობიექტის ყოველთვიური ღირებულების 5 (ხუთი) პროცენტის ოდენობით.

8.5. ინტერნეტ კავშირის შეწყვეტის ვადა აითვლება 8 საათის ამოწურვის შემდეგ, მისი დაფიქსირების მომენტიდან.

8.6. შემსყიდველ ორგანიზაციას, მის მიერ ანგარიშსწორების ვადის დარღვევის შემთხვევაში, დაეკისრება პირგასამტეხლო ყოველ ვადაგადაცილებულ დღეზე თვეში შესყიდვის ობიექტის ღირებულების 0.3 პროცენტის ოდენობით.

8.7. თუ ხელშეკრულების ერთი მხარისთვის დაკისრებული პირგასამტეხლოს ჯამური თანხა გადააჭარბებს შესყიდვის ობიექტის საერთო ღირებულებას, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.

IX. ფორს-მაჟორული სიტუაციები

9.1. მხარეები პასუხისმგებელნი არ არიან თავიანთ ვალდებულებათა შეუსრულებლობაზე, თუ ის გამოწვეულია ისეთი გარემოებებით, როგორიცაა: საომარი მოქმედებები, წყალდიდობა, ხანძარი, მიწისძვრა, სხვა სტიქიური მოვლენები, აგრეთვე წინასწარ გაუთვალისწინებელი, აუცდენელი, მხარეების ნებისგან დამოუკიდებელი ობიექტური გარემოებები, რომლებიც უშუალო ზემოქმედებას ახდენენ ხელშეკრულების შესრულებაზე.

9.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ

უნდა გაუგზავნოს მეორე მხარეს წერილობითი შეტყობინება ასეთი გარემოებების, მათი გამომწვევი მიზეზების შესახებ.

9.3. თუ ფორს-მაჟორული გარემოებების გამო სახეზეა მხარის მიერ ვალდებულების დროებითი შეუსრულებლობა, იგი უგზავნის წერილობით შეტყობინებას მეორე მხარეს ასეთი გარემოებების და ვალდებულების შეუსრულებლობის ხანგრძლივობის შესახებ. თუ მეორე მხარე არ დათანხმდა ვალდებულების შესრულების ვადის გაგრძელებაზე, ის წვეტს ხელშეკრულების მოქმედებას.

X. ხელშეკრულების პირობების გადასინჯვა

10.1. მხარეთა შეთანხმებით შესაძლებელია განხორციელდეს ხელშეკრულების პირობების ნებისმიერი ცვლილება, გარდა ისეთი ცვლილებისა, რომლითაც იზრდება ხელშეკრულების ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. საქართველოს სამოქალაქო კოდექსის 398-ე მუხლით გათვალისწინებული შემთხვევებში ხელშეკრულების ღირებულების გაზრდა დასაშვებია არაუმეტეს ხელშეკრულების ღირებულების 10 პროცენტისა.

10.2. ნებისმიერი ცვლილება და დამატება ამ მუხლის გათვალისწინებით ხელშეკრულებაში შეიძლება შეტანილ იქნეს მხოლოდ წერილობითი ფორმით. ხელშეკრულების პირობების ნებისმიერ ცვლილებაზე უნდა გაფორმდეს შეთანხმება, რომელიც ჩაითვლება ხელშეკრულების განუყოფელ ნაწილად.

XI. ხელშეკრულების მოქმედების შეწყვეტა

11.1. ხელშეკრულება ავტომატურად წვეტს მოქმედებას თუ გავიდა ხელშეკრულების მოქმედების ვადა.

11.2. ხელშეკრულება შეიძლება შეიძლება შეწყდეს ცალმხრივად:

11.2.ა. თუ მეორე მხარე არ ასრულებს ან არსებითად არღვევს ხელშეკრულებით ნაკისრ ვალდებულებას.

11.2.ბ. სამოქალაქო კოდექსის 398-ე მუხლით გათვალისწინებული გარემოებების დადგომისას, როცა მეორე მხარე უარს ამბობს ხელშეკრულების მისადაგებას შეცვლილ გარემოებებთან, ან შეუძლებელია შეცვლილ გარემოებებთან ხელშეკრულების მისადაგება. სამოქალაქო კოდექსის 398 მუხლით გათვალისწინებული გარემოებების გამო ხელშეკრულების შეწყვეტისას შემსყიდველმა ორგანიზაციამ უნდა აუნაზღაუროს მიმწოდებელს აღნიშნულ გარემოებებამდე განხორციელებული მიწოდება

11.2.გ. თუ მის მიერ ხელშეკრულებით გათვალისწინებული ვალდებულებების შესრულება შეუძლებელია ფორს-მაჟორული გარემოებების გამო ან თუ მის მიერ ხელშეკრულებით გათვალისწინებული ვალდებულების შესრულება შეუძლებელია დროებით და მეორე მხარე უარს ამბობს ვალდებულების შესრულების ვადის შესაბამისად გაგრძელებაზე. ფორს-მაჟორული გარემოებების გამო შესყიდვის ობიექტის მიწოდების შეუძლებლობის გამო ხელშეკრულების შეწყვეტისას მიმწოდებელს უნდა ანაზღაურდეს ფორს-მაჟორული გარემოებების დადგომამდე განხორციელებული მიწოდება.

XII. ხელშეკრულების მოქმედების ვადა

ხელშეკრულება ძალაშია 2011 წლის 1 თებერვლიდან და მოქმედებს 2011 წლის 31 დეკემბრის ჩათვლით.

XIII. დავა და მისი გადაწყვეტის წესი

13.1. წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკების საფუძველზე.

13.2. თუ შემსყიდველი ორგანიზაცია და მიმწოდებელი მოლაპარაკებების დაწყებიდან 15 (თხუთმეტი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

XIV. სხვა პირობები

14.1. ხელშეკრულების დანართი №1 წარმოადგენს ხელშეკრულების განუყოფელ ნაწილს თან ერთვის მას.

14.2. ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით.

14.3. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.4. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.5. ხელშეკრულება შედგენილია ქართულ ენაზე ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.6 მიმწოდებელი პასუხს არ აგებს შემსყიდველი ორგანიზაციის მიერ განხორციელებულ, გადაცემულ და მიღებულ ინფორმაციაზე.

XV. მხარეთა იურიდიული მისამართები და რეკვიზიტები, მხარეების წარმომადგენელთა ხელმოწერები, ბეჭედი

შემსყიდველი ორგანიზაცია:

საჯარო რეესტრის ეროვნული სააგენტო

უფლებამოსილი წარმომადგენლის სახელი და გვარი: ლაშა მერაბიშვილი

მისამართი: ქ.თბილისი, წმ. ნიკოლოზის/ნ. ჩხეიძის ქ. №2

საბანკო რეკვიზიტები: ს.ს. „საქართველოს ბანკის“ ცენტრალური ფილიალი, ა/ა 008609114,

ბ/კ BAGAGE22, ს/კ 202238621

შესყიდვების სამსახურის უფროსი

ლ. მერაბიშვილი

მიმწოდებელი:

„“

უფლებამოსილი წარმომადგენლის სახელი და გვარი:

მისამართი:

საბანკო რეკვიზიტები: ს.ს. „“, ა/ა № , ბ/კ № ,

ს/კ № “

დირექტორი

დანართი №2

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვანერო ამ აფიდავითს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მინორების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.